

# UNITÉ PASTORALA VAL BADIA



Plata de informaziun: Nr. 1




**Deboriada söl Tru dla Fede**

## Gejù y i discepui de Emmaus

**G**ejù s'è fat pomez ai discepui sön tru a Emmaus plëgns de fistidi y al jô impara. Cun les Parores dla Scritöra ti fajòl coraje. Ai sintì tres de plü süa bona presënza y spo pro mësa l'ai conosciü, canch' al partì fora le pan benedí.

Inçe nos tles Cöres dla Val Badia unse nüsç gran fistidi por la fede y la vita tles comunitès. I sintiun tres plü la mancianza de proi y les dificolitès da dè inant la fede ai jogh. Tröc se fej ert da vire i valurs cristians tl monn d'al dedaincö. Al devënta inçe tres plü ri da chiri colaboradus.



## Cun l' "Unité Pastoral Val Badia" orunse dè vita ales Cöres

I la odun sciöche en **lian**, che unësc y che tëgn sö les Cöres ti tèmps che à da gni, che ti dà sostegn söl tru dla fede, che coordinëia les ativitès y inviëia al'oraziun.




L' "Unité Pastoral" é söl tru da se organisé cun 3 vari:

- 1) le tëmpe de **preparaziun** cun n grup de laur, informaziun y l'oraziun
- 2) le tëmpe de **realisaziun** cun la lita dl Consëi nü, de n prou moderadù y grups de laur
- 3) le tëmpe dla **istituziun** ofiziala trës n decret da pert dla diozeja

**na uniun por mantignì comunitès vies,  
olache tröpes porsones à ligrëza cun la fede,  
la vir cun convinziun y  
la dà inant cun amur.**

## L' "Unité Pastorala" se darà da fà söl cíamp dla fede:



i un **valurs** da defëne y da sentè danü:

*familia - educaziun - solidarieté -  
amur - pêsc - pordonn*



i un **porsones** da motivé y da impegné:

*tla liturgia - preparaziun al Bato,  
pröma Comuniun, Crejima y Matrimone,  
ti sorvisc ala comunité*



i un **la fede** da incundé y da testimonié:

*tles festes y sacramënc  
tla vita sozjala da vigni dé*


Sëgn sunse tla pert de preparaziun cun chësc

**Grup de laur:** (fora de vigni Cöra)

Paul Felix Rigo	La Pli	siur Jaco Willeit	Badia
Fortunato Ferdigg	Al Plan	siur Paul Campeï	San Martin
Anneliese Zingerle	Rina	siur Heinrich Ellecosta	San Ciascian
Tone Gasser	San Martin	siur Pire Irsara	Badia
Claudia Erlacher	San Martin	siur Andreas Perathoner	Corvara
Silvester Promberger	Antermëia	siur Heinrich Perathoner	Al Plan
Emma Clara	Lungiarü	siur Franz Sottara	La Val
Annamaria Fiung	La Val		
Zeno Tolpeit	La Val	Patrizia Schvienbacher	Balsan
Rita Pitscheider	Badia	siur Gottfried Ugolini	Balsan
<b>Patrik Frenademetz</b>	La Ila		
Marlis Frenademetz	San Ciascian		
Klaus Taibon	Corvara		
Alma Pizzinini	Calfosch		

## Nüsc prüms vari é:

- ◆ se afidé a nosc Signur  
y se mët' a **perié** düc deboriada
- ◆ **informè** düta la jënt,  
ince cun na sëra ai 18/04 dales 20 h a La Vâl
- ◆ impegné i **Consëis de Cöra** dla valada
- ◆ portè inant le proiet cun le **grup de laur**
- ◆ organisé **incuntades** cun d'atres Unitês pastorales  
(te n pelegrinaje y barat de esperiënzes)
- ◆ arjigné ca les lites por le **nü Consëi** de dütes les Cöres
- ◆ aspetè le **decret** dl Vëscö preodü ai 01/09/2013



## Oraziun por l'Unité Pastoral:

Signur, nosc Bun Famëi,  
a Te afidunse nostes comunitês cristianes  
sön chësc tru deboriada.  
Dasse coraje da te gnì dô y da testimonié  
nosta fede ince tla vita d'al dedaincö.  
Chërda tröc y de bugn colaboradus a to sorvisc  
y lasci sintì Tüa presënza.  
Maria, nosta uma, ciara de nos. Amen.